

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ
ՄՏԱՎՈՐ ՍԵՓԱԿԱՆՈՒԹՅԱՆ ԳՈՐԾԱԿԱԼՈՒԹՅԱՆ
ԲՈՂՈՔԱՐԿՄԱՆ ԽՈՐՀՐԴԻ
Ո Ր Ո Շ ՈՒ Մ
№ 39/08**

Քաղ. Երևան

8 դեկտեմբերի 2008թ.

Հայաստանի Հանրապետության Էկոնոմիկայի նախարարության մտավոր սեփականության գործակալության բողոքարկման խորհուրդը (այսուհետ՝ բողոքարկման խորհուրդ) հետևյալ կազմով՝ խորհրդի նախագահ Ա.Ֆ.Ազիզյան, անդամներ՝ Ա.Ս.Խաչիկյան, Բ.Շ. Վարդանյան, Գ.Յ.Աղամյան, Ա.Ա.Տոնիկյան և Ա.Վ.Բաբայան, քարտուղար՝ Լ.Ե.Ասցատրյան, իր 2008թ. դեկտեմբերի 8-ի նիստում (արձանագրություն № 66/7) քննարկեց ՀՀ հավատարմատար Է.Նահապետյանի 2008թ. օգոստոսի 16-ի դիմումը FRoSTA Aktiengesellschaft (DE) ընկերության IR 643497 միջազգային գրանցմամբ POLAR BEAR ապրանքային նշանի գրանցման գործողությունը չօգտագործման պատճառով Հայաստանի Հանրապետության տարածքում ԱԾՄԴ 32-րդ դասի ապրանքների համար վաղաժամկետ դադարեցնելու խնդրանքով:

Դիմողի փաստարկները հետևյալն են:

Դիմողը դիմումում նշել է, որ «Նահապետ և Կ» ընկերության կողմից կատարված հետազոտությունների արդյունքում պարզվել է, որ FRoSTA Aktiengesellschaft (DE) ընկերության անունով գրանցված POLAR BEAR (IR 643497) բառային ապրանքային նշանը չի օգտագործվել և չի օգտագործվում Հայաստանի Հանրապետության տարածքում ԱԾՄԴ 32-րդ դասի ապրանքների համար: Ելնելով դրանից և առաջնորդվելով «Ապրանքային և սպասարկման նշանների, ապրանքի ծագման տեղանունների մասին» ՀՀ օրենքի (այսուհետ նաև օրենք) 22-րդ հոդվածի 4-րդ մասով, համաձայն որի «Ապրանքային նշանի գրանցման գործողությունը կարող է ցանկացած անձի դիմումի հիման վրա, բողոքարկման խորհրդի որոշմամբ, դադարեցվել վաղաժամկետ բոլոր ապրանքների, որոնց համար այն գրանցված է, կամ դրանց մի մասի նկատմամբ, եթե ապրանքային նշանի գրանցման թվականից հաշված 5 տարվա ընթացքում, կամ դիմումն ավելի ուշ ներկայացնելու դեպքում՝ դրան անմիջականորեն նախորդող 5 տարվա ընթացքում այն անընդհատորեն (ընդհանրապես) չի օգտագործվել ապրանքային նշանի սեփականատիրոջ կամ օրենքի 26 հոդվածի համաձայն՝ լիցենզային պայմանագրով այդ իրավունքն ունեցող անձի կողմից», դիմողը խնդրել է POLAR BEAR (IR 643497) ապրանքային նշանի գրանցման գործողությունը Հայաստանի Հանրապետության տարածքում 32-րդ դասի ապրանքների համար վաղաժամկետ դադարեցնել:

Բողոքարկման խորհուրդը «Հայաստանի Հանրապետության առևտրի և տնտեսական զարգացման նախարարության մտավոր սեփականության գործակալության բողոքարկման

խորհուրդ բողոքների և դիմումների ներկայացման և քննարկման կարգի» 34-րդ կետի համաձայն 20.08.08թ. հետծանուցմամբ փոստային առաքմամբ տեղեկացրել է POLAR BEAR (IR 643497) ապրանքային նշանի սեփականատեր՝ FRoSTA Aktiengesellschaft (DE) ընկերությանը (FRoSTA Aktiengesellschaft 116, Am Lunedeich BREMERHAVEN GERMANY) բողոքարկման խորհրդի կողմից ՅՅ հավատարմատար Է.Նահապետյանի 2008թ. օգոստոսի 16-ի դիմումը քննարկման ընդունելու, նիստի անցկացման թվականի (2008թ. սեպտեմբերի 29) և վայրի մասին՝ կցելով դիմումի պատճենը:

Ըստ համապատասխան փոստային ծանուցագրի հասցեատիրոջ կողմից ծանուցումը ստացվել է 28.08.08թ., սակայն բողոքարկման խորհրդի 2008թ. սեպտեմբերի 29-ի նիստին սեփականատիրոջ որևէ ներկայացուցիչ չի ներկայացել, ինչպես նաև բողոքարկման խորհուրդը դիմումի վերաբերյալ որևէ գրավոր արձագանք սեփականատիրոջից կամ նրա ներկայացուցչից չի ստացել: 2008թ. հոկտեմբերի 6-ին վերը նշված հասցեատերը ծանուցվել է նաև տվյալ դիմումի քննարկումն հետաձգելու և նիստի նոր թվական (2008թ. դեկտեմբերի 5) նշանակելու մասին: Չնայած որ համապատասխան փոստային ծանուցագիրը ետ է վերադարձել 31.10.08թ., սակայն բողոքարկման խորհրդի 2008թ. դեկտեմբերի 8-ի նիստին սեփականատիրոջ որևէ ներկայացուցիչ չի ներկայացել, ինչպես նաև բողոքարկման խորհուրդը դիմումի վերաբերյալ որևէ գրավոր արձագանք սեփականատիրոջից կամ նրա ներկայացուցչից այդպես էլ չի ստացել:

Քննարկելով ներկայացված նյութերը բողոքում բերված հիմնավորումների շրջանակներում, հաշվի առնելով կոլեգիայի նիստում բողոքի ըստ էության քննարկման արդյունքները, բողոքարկման խորհուրդը հանգեց հետևյալ եզրակացության:

Օրենքի 22-րդ հոդվածի 4-րդ մասի համաձայն ապրանքային նշանի օգտագործման ապացույցները ներկայացնում է դրա սեփականատերը, տվյալ դեպքում՝ FRoSTA Aktiengesellschaft (DE) ընկերությունը, որի պատշաճ ծանուցելու հնարավորությունները սպառված են, նկատի ունենալով 20.08.08թ. և 06.10.08թ. հետծանուցմամբ փոստային առաքմամբ ուղարկած ծանուցումները, սակայն ապրանքային նշանը ՅՅ-ում օգտագործելու վերաբերյալ որևէ փաստ, ապացույց կամ որևէ գրավոր արձագանք սեփականատիրոջից կամ նրա ներկայացուցչից այդպես էլ չի ներկայացվել, հետևապես բողոքարկման խորհուրդը գտնում է, որ սպառվել են սեփականատիրոջ՝ FRoSTA Aktiengesellschaft (DE) ընկերությանը ծանուցելու իր հնարավորությունները, սակայն POLAR BEAR (IR 643497) ապրանքային նշանը չօգտագործելու վերաբերյալ ՅՅ հավատարմատար Է.Նահապետյանի դիմումում բերված փաստարկները հերքելու հիմքեր չկան, և դիմումը ենթակա է բավարարման:

Ելնելով դրանից և ղեկավարվելով օրենքի 22-րդ հոդվածի 4-րդ մասով, իչպես նաև «Հայաստանի Հանրապետության առևտրի և տնտեսական զարգացման նախարարության մտավոր սեփականության գործակալության բողոքարկման խորհուրդ բողոքների և դիմումների ներկայացման և քննարկման կարգի» 79-րդ կետի «ա» ենթակետով բողոքարկման խորհուրդը

Ո Ր Ո Շ Ե Ց

Բավարարել ՅՅ հավատարմատար Է.Նահապետյանի 2008թ. օգոստոսի 16-ի դիմումն ամբողջովին և FRoSTA Aktiengesellschaft (DE) ընկերության ՍՊԸ-ի POLAR BEAR (IR 643497) ապրանքային նշանի գրանցման գործողությունը վաղաժամկետ դադարեցնել Հայաստանի Հանրապետության տարածքում ԱՃՄԴ 32-րդ դասի ապրանքների համար :

Բողոքարկման խորհրդի որոշումը կարող է օրենքով սահմանված կարգով բողոքարկվել դատարանում:

Բողոքարկման խորհրդի
Նախագահ

Ա.Ազիզյան